

Газ-Морд  
1-6

Комплект

Сембе мастогонь в пролетариятне, пуромода марс  
ЛИСЕНДИ VI-це КИЗОСЬ

# КОМСОМОЛОНЬ В АЙГЯЛЬ

ВЛКСМ-нь Мордовский  
обкомть и Саранскийнь  
горкомть газетасна

Адресь: г. Саранск, ул. Советская,  
Дом печати

ИЮЛЬ  
28-ЦЕ ШИСТОНЗА  
1938 КИЗОНЯ  
84 (600)  
Лисенди ковти 12-кеть.



МАССР-нь Верховный Советъ Президиумонц председатели М. А. Чембулатов. Васенце рядса, (вяря-кяржи ширде види шири) МАССР-нь Верховный Советонъ президиумонц секретарец Н. И. Юрков. МАССР-нь Верховный Советъ Президиумонц членонза: И. А. Кузнецов, П. В. Журавлева, И. И. Салмыкова, А. А. Толстых, В. А. Тимошкин.  
Омбоце рядса, (кяржи ширде види шири), М. И. Кирсанов, Н. У. Байчурин, А. Д. Ошкина, К. В. Быстров, К. И. Мишин, Д. Кочнев, А. М. Шабалкин.

Моску, кремль

## ИОСИФ ВИССАРИОНОВИЧ СТАЛИН ЯЛГАТИ

Мордовский Автономный Советский Социалистический Республика Верховный Советонц васенце Сессияц Мордовиянь сембе трудящайхненъ лемста кучи Тейть, сембе миронъ трудящайхненъ мудрай вождьсонды, учительсонды и другсонды, сембе народнай депутатти пламенной большевистский привет.

Тонь кельгомасот и эрешинъ заботасот эждьфста, Мордовский республиканъ нароттне, Ленинонь—Сталинонь партия и великий русский народъ руководствасно ала сцязоронъ пингонъ нищай, правафтома Мордовиять шарфюозь козя, счастливай социалистический республикакс.

Нльня аф съормадомовшка ликования и радосте мордовский народъ. Коммунистонъ и беспартийнайне непобедимай сталинский блоксь июнь 26-це шистонза РСФСР-нь и МАССР-нь Верховный Советтненъ кочкамста сатсь од блестящай победа. Нинге весте яфезе несокрушимай дружбац МАССР-нь нароттненъ мархта, эсь плоченностенъ коммунистический партия перьф, кельгоманц и преданностенъ Тейть, Сталин ялгась, минь родной алянконди,

учительнеконди и другоньконди.

Мордовский республиканъ трудящайхненди васенъ депутатокс кочкафат Тон, кельгома Иосиф Виссарионович, сембе миронъ угнетеннайхненъ радостсна и надеждасна.

Афазовомшкат Мордовский АССР-нь трудящайхненъ нефтома счастья и радостень чувствасна, конатненди максф великай честь иметь эсь социалистический республикасон Верховный Советсон за васенце депутатокс Тонь, сембе миронъ тудящай человечество вожденц.

Мордовский АССР-нь трудящайхне пях лац содасазь мезьс обяывает минь тях пях оцю честь, тях пях оцю довериясь и минь максетяма Тейть вал оправдате сон эсь большевистский неустанный работасонк и тюремасонк социалистический строительство сембе участканзон эзга.

Нинге сядя вярй непотыкшнемок революционной бдительность, нинге сядонга пях кемокнемок коммунистонъ и беспартийнайне сталинский блокть, нинге сядя теснайста пуропнемок эсь рядонзон Ленинонь—Сталинонь великай парти-

янци перьф, Тонь, Сталин ялгась, перьфкат, минь республиканьконъ грудящайнза, кармайтхъ и инголинге пощадафтома лифнемостлангу и машфнемост троцкистонъ, бухаринецонъ, буржуазнай националистонъ разгромленнай бандатненъ презренной, лятксон—японо-германский фашизманы нят агенттненъ.

Минь максетяма Тейть вал, Сталин ялгась, што указаниятненъ, конатненъ Тон максеть Моску ошень Сталинский избирательнай округонъ избирательхненъ предвыборнай собраниясост, карматама пашкотыкшнемост честь мархта.

Шумбра улеза коммунистонъ и беспартийнайне могучай непобедимай сталинский блоксь!

Шумбра улеза великай Советский Союзонъ нароттненъ сталинский дружбасна!

Шумбра улеза Ленинонь—Сталинонь великай непобедимай партиясна!

Шумбра улеза минь мудрай вожденке, учительке и другоньке, сембе народнай депутатсь Иосиф Виссарионович Сталин!

Моску, Кремль

## ВЯЧЕСЛАВ МИХАЙЛОВИЧ МОЛОТОВИ

Мордовский Автономный Советский Социалистический Республика Верховный Советонц васенце Сессияц кучи Тейть, мирса сембода могучай социалистический правительствать главанцы, сонценъ пламенной приветонц.

Тонь вельдет, Вячеслав Михайлович, азонкшнетяма глубокай благодарност советский правительствати пях оцю лезксть и мялень шарфнемать инкса, конанъ вельде минь республиканьке арась панчфокус-панжикс изажиточнайкс.

Заверяем Тонь, Молотов ялгась, и минь правительстваньконъ, што Мордовский АССР-сь Великай Сталинть руководстванц ала саты нинге сядя оцю победат коммунизма тевонц инкса тюремаса.

Шумбра улеза советский правительствась и сонъ руководитель Молотов ялгасы!

Шумбра улеза трудящайхненъ великай вождьсна Сталин ялгасы!



# МАССР-нь Верховнай Советть Васенце Сессияц

## Информационнай сообщения

МАССР-нь Верховнай Советть Васенце созывонь Васенце Сессиянц заседаниянц колга

Июль 26-це шистонза шовдава 10 частса МКСХШ-ть зданияса ульсь МАССР-нь Верховнай Советть Васенце созывонь Васенце Сессиянц омбоце заседаниянц.

Председательствовандай МАССР-нь Верховнай Советть председателец В. П. Петушков.

Васенце кизефксь ванондови МАССР-нь Верховнай Советть Сессиянц шинь порядканц омбоце пункт—МАССР-нь Верховнай Советть постоянной комиссиянзон колга.

Депутатсь Прохоров А. И. Саранский, Рузаевский, Zubovo-Полянский и Ичалковский райононь депутаты группатненъ лемста лифни предложения Законодательнай предположениянъ Комиссиянъ образовандамъ колга.

Верховнай Советсь кемокснесы Законодательнай предположениянъ комиссиять составонц 5 ломаньца.

Комиссиять составс кочксевихъ:

1. Комиссиять председателец Мишин Алексей Аникиевич—депутат Вертелимский избирательнай округть эзда.

Комиссиянъ члетьне:

2. Карпов Федор Прокопьевич—депутат Сургодский избирательнай округть эзда.

3. Рыськин Максим Андреевич—депутат Темниковый сельский избирательнай округть эзда.

4. Цыганов Федор Михайлович—депутат Селищинский избирательнай округть эзда.

5. Понимаскина Федосия Ивановна—депутат Атюрьевский избирательнай округть эзда.

МАССР-нь Верховнай Советсь примсесы депутатъ П. А. Пустоваловъ предложениянц, кона Саранский, Рузаевский, Темниковый, Теньгушевский, Пурдошанский райононь депутатонь группатненъ лемста лифть предложения МАССР-нь Верховнай Советть Бюджетнай Комиссиянц образовандаманц колга.

Бюджетнай Комиссиясь кочксевихъ 5 ломаньца:

1. Комиссиянъ председателец Мишин Кузьма Иванович—депутат Шуварский избирательнай округть эзда.

Комиссиянъ члетьне:

2. Фомичева София Васильевна—депутат Чамзинский избирательнай округть эзда.

3. Вдовин Василий Георгиевич—депутат Шугуровский избирательнай округть эзда.

4. Левин Дмитрий Кузьмич—депутат Ст. Синдровский избирательнай округть эзда.

5. Начаркин Иван Павлович—депутат Шишкевский избирательнай округть эзда.

Шинь повесткатъ колмоце пунктонц коряс, МАССР-нь Конституциять кой-кона статьяшонды изменениянъ и дополнениянъ тиемаъ колга доклад мархта выступил депутатъ Н. И. Юрков.

МАССР-нь Верховнай Советсь примси МАССР-нь Конституциять кой-кона статьяшонды изменениянъ и дополнениянъ тиемаъ колга тяфтама постановления:

„МАССР-нь Конституциять (основной законъ) 44, 63 и 66 статьяшонды изменениянъ и дополнениянъ колга“

Мордовский АССР-нь Верховнай Советсь постановляет:

1. РСФСР-нь Конституциять 47, 54, 69 статьяшон эса тийф изменениянъ коряс тиемаъ измененият МАССР-нь Конституциять

ня статьяшонды:

44-це статьясь. „Внутренний торговлянь“ валхненъ полафтомс „торговлянь“ валса. „СССР-нь заготовканъ комитетъ уполномоченнайц“ валхненъ йордамс и полафтомс синь „СССР-нь заготовканъ Народнай Комиссариатъ уполномоченнайц“ валса.

63 и 66 статьятненъ эзда „Внутренний торговлянь“ валхненъ полафтомс „торговлянь“ валса.

МАССР-нь Верховнай Советсь кулхшондозе МАССР-нь Верховнай Советть Мандатнай Комиссиянц председателец депутатъ Дьяконов С. М. ялгать докладонц МАССР-нь Верховнай Советть депутатонзон полномочияснотъ проверямаснотъ колга.

Дьяконов ялгась азондозе МАССР-нь Верховнай Советть Мандатнай Комиссиянц постановленийнц избирательнай 107 округненъ эзда МАССР-нь Верховнай Советть депутатонзон полномочияснотъ проверямаснотъ результатонзон колга:

„Проверямок Центральной избирательнай комиссиять ширде максф МАССР-нь Верховнай Совету кочкаматненъ колга избирательнай сембе документтненъ и материалхненъ, башка эрь депутатъ колга, МАССР-нь Верховнай Советть Мандатнай Комиссиянц устанавливает:“

1. МАССР-нь Верховнай Совету кочкаматне избирательнай сембе 107 округненъ эзда йотафтф МАССР-нь Конституциять и „МАССР-нь Верховнай Совету кочкаматненъ колга Положениять“ основаса и полнай соответствияса.

2. Аш кодамовок основания кодама-либа избирательнай округса кочкаматненъ кассированийшонды, а тяфта жа аш кодамовок жалбат и заявленият МАССР-нь Верховнай Советть депутатонзон кочкамаснотъ коряс Конституциять и кочкаматненъ колга положениянъ нарушандамаснотъ колга, кода избирательнай округненъ, тяфта и Центральной Избирательнай Комиссиясовок.

Тинь коряс МАССР-нь Верховнай Советть Мандатнай Комиссиянц лувондсыне правильнайнд МАССР-нь Верховнай Советть сембе депутатонзон полномочияснотъ, конат регистрировандафт Центральной Избирательнай Комиссияса, конатненъ спискисна публиковандафт „Красная Мордовия“ газетаса июнь 30-це шистонза 1933-це кизоня 148 №-са“.

Депутатъ А. А. Толстых ялгать предложениянц коряс МАССР-нь Верховнай Советсь Мандатнай Комиссиянц докладонц коряс примасъ тяфтама постановления:

„1. Кемокстамс Мандатнай Комиссиянц докладонц, конац лувонзень правильнайкс Мордовский Автономнай Советский Социалистический Республканъ Верховнай Советонц депутатонзон полномочияснотъ, конат кочкафт избирательнай сембе 107 округненъ эзда и регистрировандафт МАССР-нь Верховнай Совету кочкаматненъ Центральной Избирательнай Комиссияса.“

2. Мордовский Автономнай Советский Социалистический Республканъ Верховнай Совету кочкаматненъ Центральной Избирательнай Комиссиянц работанц лувомс аделафонди“.

Мандатнай Комиссиянц докладонц коряс постановлениянъ примамдонза меле, МАССР-нь Верховнай Советсь ушедсь ванондо-

ма кизефксь МАССР-нь Верховнай Советть депутатонзонды расходонкса ярмаконъ пандоматъ колга, конат связанайхть синь депутатский обязанностьснотъ пашкотъ-кшнемаснотъ мархта. Депутатъ Пустовалов П. А. ялгать предложенинц коряс МАССР-нь Верховнай Советсь примасъ тяфтама решениянц:

„1. Ладямс МАССР-нь Верховнай Советть депутатонзонды расходонъ пандома, конат связанайхть синь депутатский обязанностьснотъ пашкотъ-кшнемат, эрь ковня 300 цалковайхть. МАССР-нь Верховнай Советть Сессиянц пингста депутаттненди расходонъ пандоманкса ладямс суточнайхть 50 цалковайхть эрь шити.“

2. Ладямс МАССР-нь Верховнай Советть депутатонзонды постоянной билетт МАССР-ть территорияса машинакинъ и ведень сембе китненъ эзда питнефема арнеманъ праванди.

3. Ваномс МАССР-нь Верховнай Советть Президиумонц сметаса МАССР-нь Верховнай Советть распоряженияс депутаттненди и представительстванц кизоньберф расходонди 71 тьожанъ цалковайнъ нолдаматъ“.

Тяда меле МАССР-нь Верховнай Советсь ушедсь обсуждандама Сессиять шинь порядканъ 4-це пунктонц, МАССР-нь Верховнай Советти Президиумонъ кочкама.

Торбеевский, Zubovo-Полянский, Ковылкинский райоттненъ депутатонъ группаснотъ поручениянц коряс предложения мархта лиссь корхтама депутатъ Карпов Ф. П. ялгась.

Соображениятненъ азондомдот меле, конат депутатонъ группатненъ мяльскоря эривихть путомс основакс МАССР-нь Верховнай Советть Президиумонц кочкаматна, депутатъ Карпов Ф. П. ялгась азондозень кандидаттненъ, конатненъ депутатонъ группатне выдвигают МАССР-нь Верховнай Советть Президиумс. Эрь кандидатъ персональнайста голосовандазь Верховнай Советсь кочки МАССР-нь Верховнай Советонъ Президиум тяфтама составса:

МАССР-нь Верховнай Советть

Президиумонц председателец.

1. Чамбулатов Михаил Андреевич—депутат Чеберчинский избирательнай округть эзда.

МАССР-нь Верховнай Советть Президиумонц председателец заместителеца:

2. Лобанова Валентина Васильевна—депутат Вырыпаевский избирательнай округть эзда.

3. Кузнецов Леонид Семенович—депутат Апраксинский избирательнай округть эзда.

МАССР-нь Верховнай Советть Президиумонц секретарец.

4. Юрков Никита Иванович—депутат Сабур-Мачкаский избирательнай округть эзда.

МАССР-нь Верховнай Советть Президиумонц членонца:

5. Кузнецов Иван Алексеевич—депутат Зыковский избирательнай округть эзда.

6. Кочнев Сергей Деметриевич—депутат Кочелавский избирательнай округть эзда.

7. Журавлева Пелагея Васильевна—депутат Железнодорожный округть эзда.

8. Тимошкин Василий Андреевич—депутат Лунгинский избирательнай округть эзда.

9. Ошкина Агафья Даниловна—депутат Тат. Юнкский избирательнай округть эзда.

10. Толстых Анастасия Афанасьевна—депутат Заречный избирательнай округть эзда.

11. Кирсанов Михаил Ильич—депутат Судосевский избирательнай округть эзда.

12. Быстров Константин Васильевич—депутат Аловский избирательнай округть эзда.

13. Салмыкова Мария Ивановна—депутат Zubovo-Полянский избирательнай округть эзда.

14. Шабалин Алексей Макарович—депутат Рузаевский избирательнай округть эзда.

15. Байчурин Нугайбек Усманович—депутат Латышевский избирательнай округть эзда.

16. Мишин Кузьма Иванович—депутат Шуварский избирательнай округть эзда.

Тинь мархта МАССР-нь Верховнай Советть омбоце заседаниянц сьолгондови.

МОСКУ, КРЕМЛЬ

## Железной Наркомти Советский Союзонъ васень маршалти Ворошилов ялгати

Кельгома Климент Ефремович!

Минь, Мордовский Автономнай Советский Социалистический Республканъ Верховнай Советонъ депутатне, Мордовиянъ сембе трудихненъ эзда Тейть, вернай сталинцети, непобедимай Якстерь Армиять железной Наркомонцы, МАССР-нь Верховнай Советть депутатонцы кучтама эсь пламеннай большевистский приветоньконъ.

Мордовиянъ друдащайхне горячо приветствуют Тонь, Ворошилов ялгась, и Тинь лицасонт славнай непобедимай Рабоче-Крестьянский Якстерь Армиять—социализманъ странатъ защитниконзон, конат ванфтсазь Великай Социалистический родинатъ священной границанзон. Мордовский Автономнай Советский Социалистический республканъ трудихненъ лемста, минь заверяем Тонь, Ворошилов ялгась, што минь родинаньконди грозной частста минь партияньконъ, вождедьконъ и учительньконъ Сталин ялгать васень тердемаснотъ коряс, сембе кода фкя, стятама минь прекраснай, счастливый Ро-

динаньконъ аралама, аратама непобедимай Якстерь Армиять рядонзонды и Тонь руководстванень ала машфтсакъ врагть ся территорияса, кода сон смедондай напасть.

Катк трепещендайхть японо-германский фашистне и синь троцкистско-бухаринский и буржуазно-националистический агента, катк содасазь, што минь карматама пощадафтома машфнемост социалистический отечествовать сембе и фсякай врагонзон кода и минь странасонк, тяфта и вне, кда синь смедондайхть энемс эсь тувонъ нярьснотъ минь советский перезонк.

Минь священный границаньконъ аралама, социалистический родинатъ аралама марса Якстерь Армиять мархта стай сембе советский народсь.

Шумбра улеза минь доблестнай Якстерь Армияньке и сонь славнай Наркомоц, минь депутатоньке Климент Ефремович Ворошиловсь!

Шумбра улеза вождедьке и учительньке всенароднай депутатъ Сталин ялгась!



Мордовский АССР-нь Верховный Советъ Сессиянц панжемста

## Депутатъ С. Т. Семеновъ речец

Кельгома ялгат! Поздравляю Тинь Мордовский Автономный Советский Социалистический Республикатель Верховный Советонц васенце Сессиянц панжемань шинц мархта (Аплодисментт).

Ялгат, Мордовский АССР-ть на родонц ули сонцень властенъ социалистический высшай органонц — Верховный Советонц.



Мордовиясь ульсь фкя сембода отсталай национальностекс царский Россияса. Малоземельясь, нищетасть, вековой отсталость, национальной угнетениясь и эксплоатациясь ульсь уделк Мордовиянь трудящайхненди Великий Октябрьский Социалистический революцияда инголе.

Инголи Мордовияса пцтай ашель кодамовок промышленность, модасть ульсь помещикнень, кулакнень и монастырьхнень кядьса. Помещикнень кядьса ульсь тьожатъ десятинад мода, а крестьяннень — пале десятинада кржа эрь жудти. Нищетасть и вачашить мархта марса велеса пяк развитахтельхть социальной урматне. Трудящайхненди ашельхть школат, ашельхть больницат, ашельхть культурнай лия учреждениятка.

И аныцек Великий Октябрьский социалистический революциять победанц вельде, коммунистический партиять руководстванц ала Мордовиянь тийф крупнай социалистический промышленность. Сталинский кафта пятилеткатнень пингста Мордовский АССР-са строяф промышленнай 20-да лама предприятия. Мордовиянь промышленностекс максси продукцияда войнада ингольцетъ коряс 14 крда сядла лама, Саранск ошса аныцек ськамонза Котониннай фабрикась максси продукцияда Мордовиянь революцияда ингольденъ сембе промышленностекс коряс 1½ крда сядла лама.

Аш тани убогай, нищенский, раздробленной вельень хозяйства.

Сембе, мезе ули минь Мордовский АССР-нк: и фабрикатне, и завоутне, и модатне — ащихть трудящайхнень кядьса. Минь улихть

праваньке трудти, ваймамат, то нафнемат, сирешить и сярдемасть сюнеда материальной обеспеченности. Коммунистический партиясь, советский властсь, Сталин ялгась лихтемазь минь социалистический эряфонь валда кити, ся, мезень колга минь инголи мечта ли, тани ащи действительностекс, конац кемокстаф Сталинский Конституцияса.

Семботъ тая Мордовиясь сатозе Сталин ялгатъ мархта во главе коммунистический партиять национальной политиканц правильной ста эряфс йотафтоманц вельде. (Аплодисментт, вайгяльхть вастста: Шумбра улеса ленинско-сталинский национальной политикась! Шумбра улеса Великий Сталинц! Ура!). Ленинско-сталинский национальной политикась тисъ кеме нерушимай дружба великий Советский Союзть сембе народонзонды и „кивок аф страшнай тейнек, аф внутренняй, аф внешняй вракне, пока ты дружбась эряй и шумбракшни“. (Сталин).

Мордовский республикатъ сембе трудящайнза сплоченнайхть Ленинонь — Сталинонь партиясноперф, беспредельна преданнайхть тейнза, глубокайста проникнутайхть стремлениясь нинге сядла вишкста модемс коммунизмати Коммунизмась и народсь арасть. единая афсяськови вийкс.

Катк содасазъ фашисттне, што ты вийсь могучай Якстерь Армиять мархта марса Советский Союзонь васенце Маршалть Ворошилов ялгатъ мархта во главе пощадафтома машфтыне синь тоса, коста тяряфтыхть синь врьгатеми минь лангознок.

Минь Верховный Советоньконь кочказе Мордовский АССР-нь народсь Сталинский Конституциять коряс.

Минь задачаньке, депутат ялгат, улемс стамкс, кодамкс ульсь Ленинц и кодама Сталин ялгась. (Аплодисментт).

Шумбра улеса минь большевиконь партияньке! (Аплодисментт).

Шумбра улеса Советский властсь! (Аплодисментт).

Шумбра улеса минь родной вожденъке, другоньке, алянъке и учителеньке Сталин ялгась! (Аплодисментт).

Ялгат, Мордовский Автономный Советский Социалистический Республикатель Верховный Советонц васенце Сессиянц лувондса панчфонди. (Бурнай, ламос моли аплодисментт. Депутатне, стяда, тистъ горячай овация Сталин ялгати. Вайгяльхть вастста: „Шумбра улеса Сталинский Конституциясь! Ура! АССР-нь Союзонь васенце Маршалти Мордовский АССР-нь Верховный Советъ депутатонцы Ворошилов ялгати Ура! Шумбра улеса Сталин ялгась!“).

## Маресева велесъ инголи и тани

Сире Россияса оцязоронь властть ингста трудящайхне лишенайхтельхть образованиять эзда. Особна пяк кржалъ грамотнайда нацменьшинстватнень йоткса Вов Чамзинский районца ули Маресева веле. Тя велесъ аф йолма, сон существуе ни лама вект. Оцязоронь правительствать пингста велеса лувондосъ фкя грамотнай — попс.

Октябрьский революциясь полафтозе Маресева велеть шаманц Тани, Советский властть пингста велеса лама ломань получасть высшай и средний образования, аф корхта мок ни начальнай и семилетнай тонафлемань об'емонь знанияхть колга. Аныцек 1938 кизоня Маресева велеста 32 одломатъ тонафнихть высшай и средний учебнай заведения. Колхозникъ Семен Кулашкинть оцю цьорац Егорсь аделась лесотехнический институт и тани работай лесотехнический инженеркс, кафта цьоранза Василий и Семен работайхть учителькс. Инь йолмась — Алексейсь тонафни лесотехнический институтса.

Кепотьф культурностьсна взрослай населенятаьке. Синь кассъ запросна книгати и культурань или очакненди. Тани велеса ули читальня, коса ули художественнай и политический литература. Ули колхознай клуб, коса йотафневихть постановкат, докладт, лекцият и стактов.

Драмкружоксь, конац пуроптф учительница Учаева ялгатъ инициативанц вельде регулярна тиенди постановкат, аф аныцек Маресева велеса, но и соседняй колхознень эсонга. Тяфта сон тундань видемасть пингста путнесь постановкат **СТАЛИН** ялгатъ лемса, „Красный волн“ и лама лия колхозга. Тани драмкружоксь культурна обслуживает колхозникнень сьора урядама кампаниять пингста.

Маресева велень колхозникне эряйхть культурнайста и зажиточнайста.

Захаркин.

Чамзинский р-н.

## Синь и щафт-каряфт, синь и наряжафт

Советский правительствась и коммунистический партиясь шарфнихть инь оцю забота лама идь мархта аватненди. Кизода лама йотса ся пингста, мзярда партиясь и правительствась лифтьхть специальной постановления многосемейнайхненди лезксонь максомат колга. Тя пингть эзда лама трудящай ават получасть ни государствать ширде пособия. Вов Кулдым велеса лама идь мархта колхозницатне: Дадонова Акулинась, Норваткина Анисиясь и Пегрова Агафиясь получахтнесь государственствать ширде 6-нь тьожатъ цалковайхть пособия кажнаись. Июль ковть 14-це шистонза синь получасть 2-нь тьожатъ цалковай.

Тани мзярда трудящай аватне получахть государственнай пособия презрения мархта латфнесазъ сире пингть. Пара мяльса корхтайхть Советский властть, коммунистический партиять и лична Сталин ялгатъ колга, конац кода родной аля заботендай трудящайхнень колга, конань мудрай руководстванц вельде сатф счастливый и радостнай эряф. Сталинский эпохаса многосемейнайхнень идьсна шафт и каряфт, синь и наряжафт.

Королев.

Вертелимский р-н.

## Лездыхть испанский народти

Испанский народсь кафта кизотни тюри озверелай фашисттнень каршес. Испанский народсь героически арелясь эсь независимостенц, эсь республиканц.

Советский Союзонь трудяй ломаттне оцю мяльса лездыхть испанский народти, штоба испанский народсь улець советский народть лаца свободнай, советский народть лаца счастливый.

Июльть 17-це шистонза Мордгизса ульсь йотафтф вечер, конац посвященной испанский народть омбоце кизонь эсь независимостенц инкса тюремани годовщинахцы.

Вечерса Каяшин ялгась тийсь доклад Испанияса войнать колга. Докладта меле фкя мяльса вечеронь участникне примастъ решения:

Максомс испанский народти лезксонди фкя шинь работамань питнеснон. Ульсь декломацият, конац посвященнойхть испанский народть героический тюремандцы.

С. Тарханский.

Саранск ош.

## РАБОТАЙХТЬ ПО-СТАХАНОВСКИ

Теризморга велень Буденнайть лемса колхозса ударнайста моли уборочнай кампаниясь.

Сембода цебярьста лядяф работась 1-це № бригадаса. Тя бригадаса кафта лобогрейкат, конань мархта работайхть: Аркадский, Воронков, Ямашкин и Макаров ялгатне. Эрь сменати лядендихть 8 гектар и сядла ламонь. Кота шиста лядьхть 100 гектархт.

Колхозонь правлениясь, лувомон синь стахановский работаснон, премировандазень питни вещаса.

Тани синь аделасть эсь работаснон, тяфтама жа стахановский работаса лездыхть отстающей бригадатненди.

Ш.

Шайговань р-н.

## Каникулатне йотнихть скучнайста

Кунаракиге ни аделавсь тонафнема кизось. Тани ученикне каникуласот. Тейст максф пинге ваймамс и ваймамс культурнайста, штоба лац йотафтомс каникулатнень, итне занимандакшнихть физкультураса, якайхть марса пионервожатайть мархта эшелякшнema, вири, налхкондыхть волейболса и занимандакшнихть различнай культурнай налхксемаса.

Но тя йотафневи аф сембе школатнень эзга.

Сайгушский НСШ-са, нолдамок итнень каникулас, руководителхне успокоиндасть.

Пионервожатайхне кизонь каникулатнень йотафтомаснонды план ашестъ анокла и тани ученикнень йоткса кодамовок работа аф вятви. Сембе ученикне якайхть велеса, синь калдыав дисциплинасна. Тя лисенди ся, што синь йоткост аш руководитель.

Пионервожатайсь эсь лангозонза путф задакатнень ляхкодемаснон эрявиксонди аф лувондсыне, а кда лувондсыне, то сознательна сязендсыне.

ВЛКСМ-нь Чамзинкань райкомти куроконь пингть эряви ваномс пионервожатайть работанц.

Ив. Суслин.

Чамзинкань р-н.



# КОМСОМОЛЬСКИЙ ЭРЯФСЬ

## Комсоркнень работасна и поведениясна

Аф весть „Комсомолонь вайгяль“ газетать страницасонза ульсь сьорматф Ежка велень комсомольский организациять аф атыксонзон колга, но тачимс нинге работайхть калдявста. Велеса кафта комсомольский организацият — школьной и колхозной, а лама комсомолешта, но работа йотксост кодамовок аф йотафневи, а тьянь сюнеда комсомолешта велеса аш кодамовок авторитетсна, сяс мес синь на елениять йоткса кодамовок работа аф йотафнихть. А кой-кона комсомолешта, кода ВЛКСМ-нь комитетть секретарец Акейкинь мекиланкт няфни колхозникненди калдяв примерхт. Акейкинь куркстонза аф кулят фкявок поводнай вал. Особенно афкультуристна обращается стирнянень мархта.

Комсомолешта, а особенно комитетонь секретарьти эряви улемс культурнай ломанькс, няфнемс окружающий массати культурнай ломанень образец. Тяфтама ли Акейкинь? — ичкозе аф? Видекс, культурностьс нинге определяется тевти честнай отноше-

нияса. Честна ли тевти отношению Акейкинь? — ответсь сяка — аф! Политучеба комсомолешта йоткса аф йотафневи, а афсоюзной одломаттень совсем юкстазь. Но сян вастс Акейкинь сидеста школать ваксс пуронни, „пуромкст“, кося азонкшни одломаттненди халтурнай „речт“.

Пяк ичкози ашезь ту Акейкинь эзда колхознай организациять комсоргоц Сайгиньке. Сон тяфта-жа кодамовок работа комсомолешта и афсоюзной одломаттень йоткса аф йотафни. Словом, Сайгинь Акейкинь эзда отличияц аныцекс, што сон комсорг колхознай организацияса, а Акейкинь-комитетонь секретарь школьной комсомольский организацияса.

ВЛКСМ-нь Ковылкинань райкомс, васендакиге сонь секретарец Каревсь пяк лац содасыне нят организациятень бездействияснон, но мерат кодапка аф примоси, а тьянь мархта покровительствует нят безобразиятненди.

И. Козеев.

Ковылкинань р-н.

## Комсомольский организациати партийнай руководства

Комсомольский организациати фкя инь основнй задаца — воспитандамс коммунистический духса афсоюзной одломаттень и вовлечь синь ВЛКСМ-нь ряттненди.

Лемдйя велеса ули комсомольский организация, коная афсоюзной одломаттень йоткса кодамовок работа аф вяти. Лемдйя велеса лама афсоюзной одломатт — стахановец, конат нефтема преданайхть коммунистический партияти и сонь Центральной Комитетонцы. Васенда няфтьсакс синьцен комсомолешта повеленияснон. Политучеба аф эрси вов ни каф а кофт, комсомолешта не налхкондыхть картаса, членский взнонен паннесазь аф аккуратнайста.

Тяста можна тиёмс вывод, што тяфтама работаса организациясь мзярдонга аф касы.

Тяниень пингть моли уборочнай кампаниясь. Колхознай комсомольский организациатненди эриволба нинге сядя пях работамс одломаттень йоткса, развернуть побольшевистски социалистический соревнованиять, урядамс сталинский урожайть эсь пингстонза и

цебярь качества мархта. Но Лемдйя велень комсомольский организациясь и сонь комсоргоц Дюжинь сян вастс, штоба модемс паксав беседовандамс одломаттень мархта, комсоргс и комсомолешта бездействуют.

Аш кода аф азомс сян, што комсомольский организацияса пятай сембе комсомолешта синь аф получайхть кодамовок газетат, аф лувондыхть художественнай литература. Тя няфнесы, што комсомолешта аф йорайхть кепдемс эсь политический содамышиснон.

Партийнай организациясь, сонь парторгоц Огинев ялгась аф аныцек аф лезды комсомольский организациати, но кодамовок практический лезкс аф максси. Сон комсомольский работать марха не интересуется.

Комсомольский организациати афсатыкнень эривихть машфтомс и ладамс цебарьста комсомольский организациять работанц — оправдать партиять довериянц, воспитандамс одломаттень коммунистический духса.

Комсомолец.

### Авиациянь шити



„Парашютисткат“ — картинась художникт П. И. Соколов-Скалять. Рис. и репродукциясь В. Олейникт (Союзфото) „Прессклише“.

## Испанияса фронттнень эзга

Восточнай фронтса республиканский армиянь частьтне ушедсть наступления и июльть 25-це шистонза йотазь Эбро лаять. Васень же сражениятнечь пингста мятежникине и интервентне кандсть пях ою юмафкст и, аф кирдемок республиканешта ваттискснон, ушедсть порядкофтома потама. Республиканешта фатясть 500-шка пленнайхть, конатнень эзда сядя ламось итальянецт и лама лувксонь военной материалхт.

Игало-германский авиациясь вишке бомбардировкатнень вельде йорась парализовандамс республиканский войскактнень наступленияснон, однако бомбардировкатне ашезь машфта республиканешта наступлениянь энергияснон. Республиканешта прафгсть

фашистский колма самолетт.

Леванта фронтса мятежникинень и интервентнень предпринятай лобовой атакасна, коная втеви Вивер — Сегорбе направлениява, Теруэль — Сагунто машинакить кувалмова, кирдсь полнай неудача. Противниксь, йотафтомок бойти самолетонь, артиллериянь и танконь ою лувкс, йорасть фатямс Виверть эзда моли кить. Противникть нят попытканза республиканский войскактнень натолкнули яростнай сопротивлениясь. Мятежникине кандсть ою юмафкст.

Центральной фронтть эстремадурской участкасонза мятежникине мол фтихть наступления. Ою бойхть йотсикхть Сьерра Понтре-расть перьфкя.

(ТАСС).

## Китайса военной действиятне

Центральной Китайса мекольденъ ниле шитнень пингста Янцзы лаять долинаца положениясь араь пях сложнайкс. Ушедомк июльть 21-це шистонза, японешта ст-гивандайхть Хукоу районца ою подкреплениять, коза валхфт 8 тьожятть солдатт. Японешта валхтсть тяфтажа солдатт протокт западнай бергозонза, коная соединяет Пяньху эрхьхть Янцзы лаять мархта. Китайский войскактне, конат араласазь берягть, васедезь японешта ураганнай толса. Берягса ушедсь упорнай рукопашнай бой, коная аф ою перерывса моьсь кафта шит. Китайский позициятнень сембе укреп

лениясна ульсь разрушендафт японский канонеркатнень толса и кофста апак лотксек бомбардировкаса. Китайский солдаттне, конат араласазь берягть, ашезь кад эсь позицияснон и юмасть героень куломаса.

Южной Китайса июльть 23-це шистонза японешта оду удалась валгомс Наньаосян-Намоа островть лангс, Оваоутть Северо-восточнай шири. Китайский войскактне и вооруженнай населениясь тийсть решительнай сопротивлениясь. Ваяфть японский 20-шка катерхт. Бойсавашф японский 200 лама солдатт.

(ТАСС)

## Паксяса медицинский лезкссь

Чамзинкань районца цебарьстна ладьяф медицинский лезкссь уборочнай пингста.

Райбольницась кемокстась колхозникнень обслуживаниясь специальной кафта медицинский работник фельдшер и акушерка, конат обслуживандакшнихть ветеколхост.

Синь вятихть заразной заболеваниянень каршес профилактический работа, выделили санитар-

най группа. Тядя башка максикхть ою лезкс колхозга идень яслянь панжематтненди. Синь инициативаснон вельде панчфт идень яслят Репьевкаса, Альзаса и лия велева.

Райбольницать ширде тя лезксть колхозникне пях приветствовандазь.

И. Суслин.

Чамзинкань район.

## Зубово-Поляна-Казань

Июльть 25-це шистонза Саранск ошень „Учитель“ стадионца улсь йотафть детский футбольнай матч Казань-Зубово-Поляна. Налхкомась йотафть первенствать инкса Налхкоматъ васень минутанзон пингста казанешта сясвь вишке темп, но зубовешта аф лама минутада меле цебарь пассивать вельде ушедсть мячть панема казанешта ортаснон шири.

Налхкоматъ 20-це минутастонза зубовешта панцть фкя гол. Налхкоматъ васение пяхксон аделавсь 1:0 зубовешта пользас.

Налхкоматъ омбоце пяхксонза зубовешта панцть нинге фкя гол и лувкссь арась 2:0 зубовешта пользас. И тьянь лангс аделавсь налхкомась.

Ф.

Саранск ош.

## Омбоце круга футбольнай розыгрышсь

Омбоце круга республиканский розыгрышсь футболса йотафневи успешнайста.

Июльть 23-це шистонза „Спартак“ обществать омбоце команда налхкс Инсарань сборной командать мархта Стадионца ульсь 500 зритель. Матчсь аделавсь 9:3 спартакешта пользас.

Июльть 24-це шистонза Саранск ошень стадионца васедсь Саранск ошень „Пищевик“ обществась и Ромодановань сборной футбольнай командась. Налхкомась аделавсь 4:2 ромодановешта пользас.

Футболист.

Саранск ош.

## Апак аноклак зернохранилищат

Уборочнай пингста инь важнейшай задакась ащи сьороть потеряфтома урядамац. Сян инкса, штоба афоль уль потеря, эряви сьороть урядама эсь пингстонза, строямс зернохранилища.

Кой-кона колхозга сьороть цебарьста урядаманц инкса кодамовок мероприятия аф йотафнихть.

„Красная Мордовия“ колхозса сьора урядама кампаниясь моли калдявста, зернохранилищат ашесть анокла и аш мялец анокламса.

Мзярда жа колхозонь правлениясь машфцы тя афсатыксть.

И. Симдянов.

Чамзинкань район.

Ответ. редакторсь П. ЕЖОВ.